

堅

瓠

集

堅瓠十集卷之二目錄

折柳橋

新嫁娘詞

代妓詈所歡

泥美人

臨終詞

田說

一字一錢

侍郎巡按

兵刑侍郎諺

真若虛傳

試題作詩

歇後詩

赴試詞

下第詞

題格子屏風

藥名閨詞

病集藥名

山居卽事

聳生府試

尹山猛將會

梅生宿薛姬

廣文帶殺

鵲軒相持

嘲熱客

乞醯不與啓

遺臭文詞

讀書諱父名

詩不成解

趙管唱和

鐵推銅罐

方口尖口

俄夜叉

政和景泰二榜

縣官生日

貧娼

打牛李杜

此房實賣

詠錢

誇食品

嘲酿酒

失婢榜

一東韻秀才

手白打米

姓名號

王盧

湯余相戲

遠阿叔

崔陳問答

上達下達

箕仙

負固不服

通文

作要

頭鳴取識

堯舜與人同耳

宋宗室詩

酒大使

大誦蘆種

反乞巧文

荒年謠

李廷彥

重刻褚石農堅瓠集卷之二

甬上留香閣主人較刊

折柳橋

唐詩紀事雍陶典安陽送客至情盡橋問
左右曰送迎之地止此故橋名情盡陶屬
筆題其柱曰折柳橋自後送別必吟其詩
曰從來只有情難盡何事名爲情盡橋自
此改名爲折柳任他離恨一條條

新嫁娘詞

尤悔庵 先生有新嫁娘詞調寄西江月
月下雲翹早卸燈前羅帳眠遲余宵猶是
女孩兒明口居然娘子小婢偷翻翠被新
郎初試蛾眉最憐粧罷見人時盡道一聲
恭喜

代妓詈所歡

袁仲子有代妓詈所歡詩曰尋覓如同夜

不收問人知在十間樓誰家歪貨留他往
那得閒錢恁你丟舊月頑皮猶怕打只今
餓臉不知羞便須剝去嫖衣服鎖向空房
做縮頭

泥美人詞

尤悔庵先生泥美人詞調寄好女兒彼美
人兮半面風姿誰向粧臺描五色有顧愴
傳神何郎傳粉張敞修眉可惜紅顏黃土

立而望是耶非問若個小名君識否是罷
舞西施停歌子夜不笑褒姒

臨終詞

四明倪君奭臨終賦夜行船詞云年少踈
狂今已老筵席散雜劇纏了生向空來死
從空去有何喜有何煩惱說與無常二鬼
道禍亦不作禍亦不造地獄闍王天堂玉
帝看你去那裡押到

田說

論田之名士庶爲恒產按田之實利害亦
兼呈民以食爲天故田如兩日之並育食
以田爲本故田如四口之相仍君王非田
則祿米無資故田以二王爲象戶口非田
則生養不遂故田以十口爲文山川非田
則秀氣不貫故曠野錯綜如山山之環抱
平疇綿育似兩川之縱橫然而地闢於丑

田之在地本爲不滿之數人生於寅田屬
於人已有仕宦之形昔爲富終無田不成
家業今爲累始有田易犯罪名熟可拋荒
所患丁男乏力荒能起熟最喜承佃有人
東作之艱艱在水旺而土克夏畦之病病
於田虧而上盈遠慮則以田結人心故蒙
蠲恤之典論理則以田皆王土難免粟米
之征人有一日之田遂煩會計永播千家

之上也待種成田按里而冊籍可稽雖尺
土莫逃乎覩歛田有疆而高低不一惟步
弓可定其紛紜仁政必先經界辨田界者
還須一介不苟良苗漫說懷新植田苗者
務使寸草不生黃壤爲上上之丘豈共丘
而判肥瘠黑墳爲下下之地恒赤地而歎
災祲畏賦畏徭只爲頂上的田難脫卸當
差當役止因腳下的田是禍根田少則一

日出頭歎由來之有限田多則兩邊應役
將申訴以何門苟其善計無人安得田完
國課若還作弊有吏又見田多變更急公
的一番出兌一番愁常恐浪費米粒抗糧
的既思拖欠又思赦枉自用盡心機蓋田
糾鄉紳之身直與細民同類而等視若田
飽衛軍之腹徒使運戶奔走而趨承畝從
犬畝從人充賤役者果然半是人兮半是

大鋪從千鋪從寸墾土穀者豈真一寸田
爲千寸金田賦重重未必取十千而稅十
一良田疊疊還恐宜於古而不宜今做鬼
常將頂在頭方能祭饗入甲還如生了脚
卽難轉移思服先疇誰能必得其壽爾田
彼政改田同周書改爾田遂致文不在茲將田授與
兒曹頓教童子有立錐之士傍田而起房
屋務使棟梁須林木之材歲納田中禾稼

大有倉困之積倘犯田間人命難免困厄之侵番燒餅者猶爲無米思饘幫私訓者直是人面獸心畊者必有井焉相與爭田甘作背井之客氓之爲言耻也收其田里遂有逃亡之民故願用之者舒田之所生如川流之不息倘若曲爲過費田之所入必二十而取盈此其大略也盡各言之亦有異聞乎堪與共耳

一字一文錢

秋水涉筆有善詩者出一帖云求詩者一文作一字一妓將十七文求詩遂吟曰美貌一佳人妖嬈體態新調脂并傅粉觀音有一和尚見而以十六錢求詩亦吟曰和尚剃光頭葫蘆安箇柄睡到五更時硬

侍郎巡按

正統中侍郎焦宏與都御史王文會飲適

有大繞桌行左右叱之宏曰休叱他他在
這裡巡按文曰你看他是狗却是如狼

兵刑侍郎諫

景泰中兵刑二部僚佐會坐時于謙爲兵
書俞士悅爲刑書刑侍郎某戲爲兵侍郎
項文曜曰于公爲大司馬公非少司驢乎
項卽應之曰俞公爲大司寇公非少司賊
乎一座絕倒

真若虛傳

豪城有先生姓真名實字若虛別號竹心
少年業舉子博識洽聞遊覺校好俠多盡
簪頗有季良之風然性拙且踈懶值數奇
家遂落親友無可附者乃訓蒙爲糊口計
嘗作詩寄慨云衰年底事入書囚贏得蕭
蕭兩髭秋名利竟成蕉下鹿生涯何異雨
中鷗萑蘼落落情難繫禾黍離離恨未休

回首桑榆猶未晚不妨再整舊風流其爲
師也不外飾不徵名不事宴遊事以稱食
務期無媿於心雖歲杪猶夫春初一有恒
而已先生賦性耿介不能容物以故每見
禮於士君子而不滿於匪人先生亦初不
以爲意也鷦鷯一枝鵲鼠滿腹怡然自得
暇則託諸吟咏曾有夕陽回首連錐盡一
點靈臺自有天之句一日有感作詩自嘲

日二三童子苦相依鳥入樊籠不得飛精
力一生徒自費脩儀卒歲亦云微盤中首
藉常時見門外風光總不知世上萬般皆
上品看來惟有訓蒙低節屆清明出郊散
步花柳爭妍禽鳥和鳴見二童子肩挑野
菜行歌互答先生歎曰吾弗如也口占一
律云花雨初晴淡淡風尋芳曳杖臨橋東
韶華幾度塵囂裡事業平生煨燼中舉目

忽驚春水綠傷心忍覩夕陽紅年來雨足
多曾索爭似行歌賣菜備前望曲堤流水
半掩柴扉有一美人輕盈弱質俊雅芳姿
倚門而望先生至則迎而非之曰相公何
求若素相識者先生詢之乃一妓者姓何
名韞玉邀入蘭房粉黛極其精麗圖書四
壁皆名人筆也先之以苦茗繼之以香醪
山珍海錯紛然臚列其爲人溫潤而栗可

愛可親不啻劉阮之入天台也先生贈之
以詩云流水橋邊半掩扉有人如玉自含
輝笑看明月爲歌扇醉倚閒雲作舞衣企
谷潛隨珠北綠昭陽不與燕爭飛懸知著
價還須待此日何妨識者稀與之談論深
諳文墨先生笑曰人生世間如輕塵弱草
不過欲圖快樂耳如卿者朝寒食夜元宵
一生受用不盡韞玉慨然答曰儂家道路

下賤非巧言，今色不足以動人。非貧賤，隱忍不足以容人。非隨波逐流，不足以羈縻人。吾性質直，與此相反，是以不免鞍馬冷落耳。先生首肯者，數四因賦詩曰：「自分荒齋一角巾也。」於佳節作遊人，關情。月上河橋，柳拂面，風來紫陌，塵白髮，何妨悲寒州。紅顏却亦歎沉淪。天涯流落，知多少，可爲青衫滿淚痕。韞玉始知先生乃訝曰：「吾聞」

爲師者開絳帳坐臯比立雪坐春風者敬
之者神今何爲發此歎也先生曰不然師
有大小時有遇不遇余豈若是倚哉集生
徒數十輩多幼小無知真頑不靈者記曰
善學者師逸而功倍不善學者師勤而功
半功倍者不以爲多功半者輒以爲少莫
知子惡而亦不自揆其旣廩之不稱也韞
玉曰如公言何不舍之而他適耶先生又

以內顧爲憂不能涉遠爲辭韞玉亦作詩
以慰之云伏生垂白尚窮經芸館優游莫
厭貧俗子胸中三窟計達人身外一毛輕
惜巢鳩亦常嫌拙近寺人多弗信僧君去
思君應不少當年何武未知名先生改容
謝之相與携手同行遙望前溪忽見畫船
簫鼓泊於綠柳陰中一人冠裳甚偉縱步
前來值先生且喜且愕乃與先生同筆硯

者姓白名造號空菴作倅饒州而回先生
與敘寒暄沆盞更酌因備述感傷之故空
庵曰天下事率多類此吾以直道不容於
時故棄官歸隱耳亦賦一律云灰心不復
羨浮雲解組歸來日未曉自分國謀非肉
食由來身累歎紅裙交情久爲風塵隔避
逅相親笑語溫薄有硯田君莫恨行看桃
李遍河汾先生笑曰只恐多栽荆棘桃李

不能滋長耳坐中咸爲之撫掌又有一客
乃空菴內弟隨伴而來者歎曰有是哉子
之言也吾乃接商者流耳客有尊卑貨有
美惡每將高以就低吞聲而忍氣稍有不
順則將轉而之他矣先生默然者久之又
曰余未館時嘗靜養僧房閒遊道院慕其
清逸絕塵僉曰公殆未之知乎爲僧道清
苦莫甚且非小心謹慎不足以安其身自

今觀之清苦同而逍遙拘束不同小心同而幽閒煩劇不同謹慎同而一安樂一受氣又爲不同爲僧道者所謂出家在家爲師者所謂在家出家者乎空菴歎曰如子言信知天下事不平者不少也先生又口占一絕云乘暇携筇一賞春相逢盡是不平人浮雲世事多翻覆一笑何須認假真吟罷屈伸一覺乃是南柯一夢東方既白

堅齋集

卷二

三

恍然笑曰茲非書之所爲有感而然乎霍
索披衣仍入書館甘心無悔焉庭前值佳
卉數種可爲玩物適情之一助至晚生徒
散去主人進酒夜坐先生三盃後又成一
律朗吟曰日把詩書訓爾曹中心樂此不
爲勞閒來庭下怡佳卉興到牕前賦綵毫
自揣此生無俗累更多向晚有香醪農工
商賈皆辛苦還算教書一着高

試題作詩

康熙己酉簡公上督學江南初試江北諸
郡案出輿論譁然士子卽以試題作詩云
才難自古信其然知我何須更問天斷斷
不能容一技優優還要禮三千貧而樂者
甘從井富可求兮願執鞭夫子宮牆高數
仞故人樂有父兄賢遐邇遍傳簡公知之
逐出闕文者某某而所取皆孤寒士矣及

堅瓠集

卷二

三

試吾郡特拔唐廷巽於大收之中知其貧而未娶助銀百兩以完花燭此亦亘古奇遇士林以爲美談

歇後詩

雲間求忠書院爲方正學建也一日巡按觀風有儒童告考張邵侯命學博往書院試之緘二題一日人力所通一日鼻之於臭也時人爲之語曰貢院求忠書監場有

考儒不見人力所但聞鼻之於

赴試詞

宋秀州褚復生赴試青玉案詞曰釘鞋踏
破祥符路似白鷺紛紛去試益幙頭誰與
度八廂貌事兩員直殿懷挾無藏處時辰
報盡天將暮把筆胡填備員句試問閒愁
知幾許兩條脂燭半盂餽飯一陣黃昏雨

下第詞

堅瓠集

卷二

古

董參政舉場不利作柳稍青詞曰滿腹文章滿頭霜雪滿面埃塵直至如今別無收拾只有清貧功名已是因循最懊恨張巡李巡幾個明年幾番好運只是瞞人

題格子屏風

朱貞白嘗謁貴人不禮題詩於堂中格子屏風曰道格何曾格言糊又不糊渾身都是眼還是識人無

藥名閨詞

陳亞藥名詩

親初

又有閨情三首調寄生

查子曰相思意已深

慧

自紙

並

詩

難足

字

字

字

字

字字苦參商故要檀郎讀狼毒分明記得

約當歸遠至

志

櫻桃熟

何事菊花時

猶未

回鄉

曲

小院雨餘涼

萬餘

石竹風

生砌

罷扇儘從容

半下

夏紗

坐北庭中滴盡珍珠淚

爲念

嬌

細

辛勤去

坐北庭中

滴盡

珍珠

淚爲

念嬌

細

辛勤

去

坐北庭中

滴盡珍珠淚

爲念

嬌

細

辛勤

去

坐北庭中

滴盡

珍珠

淚爲

念嬌

細

辛勤

去

坐北庭中

滴盡

珍珠

淚爲

念嬌

細

辛勤

去

坐北庭中

滴盡

珍珠

淚爲

念嬌

細

折馨官柱 浪蕩去來躑躅花頻換可
惜石榴裙蘭麝香消半琵琶閒抱理相思
必撥朱絃斷擬續斷來絃待這冤家看

病集藥名

尤悔庵先生有藥名南鄉子詞云弱骨怯
天冬滿地黃花憔悴同雲母屏邊休竚立
防風烏頭却似白頭翁 自笑寄生窮愁
脉難將草木通泉石膏肅甘遂老從容領

取雲山藥餌功

山居卽事

李在躬支願集有山居卽事排律隱藥名
云三徑慵鋤蕪穢編生地數株榴火自鮮
妍紅花露滋時滴巖中乳石膏雨過長流
澗底泉澤瀉閒草文詞成小帙藥本靜披
經傳見名賢使君渴呼童子烹新茗小兒
倦倚薰籠炷篆烟安息殊爲多研常訝減

縮砂寇因懶補半嫌穿
破故欲醫衰病求
方少受藥未就殘詩得句連
續斷爲愛次
謬千頃碧空青頻頻搔首向遙天連翹○
又聞思黃鶯兒詞曰滿院發榴莢紅花計
回期當歸端午時半夏奴如孀守空閨裡
獨活飄零不歸子浪蕩相思怎醫沒藥心心
念念人千里遠志自追思細辛雲鬢雨髩
烏頭一半變霜絲斑毛

童生府試

浙直童子試府取最難非大分上卽晁董
不自必湖州一士妻舅乃顯者又一士說
細君簪珥營之俱獲進院入泮長興吳生
戲爲令曰湖州有一舅舅程添一秀舅與
秀人生怎能勾一人曰佳人頭上金才子
頭上巾金與巾世間有幾人一人曰外面
無貴舅家中無富婆舅與婆命也如之何

尹山猛將會

長洲尹山鄉人釀金祭賽猛將三年一大
會裝演故事遍走村坊衆競往觀男女若
狂謠野嚴用三作竹枝詞曰競看賽會棹
扁舟村俏成羣意氣浮桃柳風翻裙摺亂
歪斜吹散牡丹頭 髻少烏雲步少蓮布
衫漿簇靛痕鮮青糲黃糝爭相買挖出荷
包盡白錢 朝來挈伴過河東爲助神前

花供工每分三星須白鰓胎纓涼履各種
雄會畢分班上快船腿酸脚軟急呼烟
麪筋蔬菜新煎酒醉飽歸來就橈眠

梅生宿薛姬

有梅生者眷一薛姬友人戲改舊句嘲之
曰梅薛爭春未肯降笄閒弄筆費評章梅
須遜薛三分濶薛却輸梅一段長有梅
無薛不成親有薛無錢也不成日暮將錢

堅瓠集

卷二

六

庚

交與薛與梅并作十分春

廣文帶殺

吳某選廣文相士曰君目光帶殺不宜爲此官吳曰噫刑官一歲之內殺人幾何教官二仲之中殺豬無數苜蓿齋頭非殺星旺者不能到旣而之官門生各賁一分五厘爲贄吳署其門曰卽使梅須遜雪也該三分唯其青出於藍故減一半

鵲蚌相持

有朱顧二生失杯酒之歡相訟於縣縣令
解之對曰今日之事鵲蚌相持雖欲自釋
不可得矣今日二生卽以鵲蚌相持爲詩
若善當有賞二生遂聯句曰老蚌親暘出
淺灘野禽何事妄相干身離海底珠胎損
脚傍溪頭翠羽殘開口不如緘口穩入頭
方見出頭難早知盡落漁翁手雲水飛潛

各自安縣令稱善賞而釋之

嘲熱客

魏程季明曉嘲熱客詩曰平生三伏時道路無行車閉門避暑臥出入不相過今代襍穢子觸熱到人家主人聞客來頓蹙奈此何謂當起行去安坐正咨嗟所說無一急啗啖吟何多搖扇腕中疼流汗正滂沱莫謂爲小事亦是人一瑕傳誠諸朋友熱

行宜見呵

謝乞醯不與啓

嚴忍公乞醯於闔子有聞許而不與嚴作
啓謝之曰不肖窮不能炊茹猶乞菜僅祈
醯醬之末敢冀涓滴之資知時值饑荒情
當窘惜第概語醋而可求也豈逆計聞不
在茲乎乃承子謂吾家少有將遺與汝加
餐何期鞠弓窮之呼但得菑飯之報名爲

措大本色原不可以假人孤必無隣直道
自宜行於咎我君雖虛季布之諾我實深
鮑叔之知欲破愁腸念茲折腹未嘗上口
先致攢眉已不欲而勿施容復廉而無取
應訝畢吏部與酒俱乾切怪石女郎爲風
所阻且醋有錯音錯悞偶然特前言之戲
又醋同酢也酬酢勞矣恐後事之多茲洵
若水之淡交愈感薄嘗之高誼謹謝

遺臭文詞

甲午春鄧中隴西翁與太原君有虞
芮之訟鄉之大夫羣起而左袒太原君或
進隴西翁以范少伯之策翁笑而領之於
是所謂纍纍若若者皆斟酌飽滿而去滑
稽者乃序其事而次之開場始末一折四
書文義五篇黃鸞兒十曲絕句二十餘首
翁彙而壽之梓顏曰遺臭文詞予藏之弄

中近與硯田詩笑俱爲人竊去始末絕句
猶能記憶一二云越國開科取士賢才中
式顧陸管湯題目百畝之糞諸子咀嚼精
詳陸子搭來就做果然其味深長顧子從
容正席嚼出丹桂花芳管氏吾黨小子黃
口勝是坑缸湯道糞是吾家舊物今番異
樣馨香諸公回味再思量喜得有喫有剩
絕句云向縣干求只爲財賂幾分自上方

讀書諱父名

王戎子緬年六歲讀論語至周監於二代
外祖何偃曰可改爺爺乎文哉以或郁同
音吳蜀間呼父爲爺也緬曰尊者之名安
可戲寧可云草翁之風必舅偃父尚之約
之外祖翁也○梅西野嘗與邑大夫會飲
論及時事云先時百姓稱官長止云某老
爺今則不問尊卑俱呼爺爺矣因言吾鄉

有趙良臣者延一西賓教子其賓避主人諱至孟子我能辟土地章改良臣二字爲爺爺命其子讀云今之所謂爺爺古之所謂民賊也聞者鼓掌

詩不成解

支頤集長山王子涼岫生爲詩好爲齧牙詰屈之語多不自解嘗爲潛岳解出正陳大士際泰大士語周櫟園亮工曰子涼昨

來滿城異味都嘗遍此物奚宜忽至哉
滋培灌溉豈無端何忽携來瞻大官過飽
不須愁內熱羣然努力逼加餐非禾非
黍亦非瓜百畝之資浪擲差黑白頭毛一
時染羣拖辮子是黃麻當今顯者實堪
誇上客相逢弗用茶隴畔調羹洵妙手野
人芹獻不爭差爭看皇路喜翱翔干謁
非公不自量豈是諸君交臭味龍涎不及

糝渣香 黑貂暖帽勝身紗喪盡良心實
可嗟攘臂羣然掀落帽滿頭戴了木樨花

別船羣喜抱琵琶曲直無分路已差馬
勃牛溲君受用何須開口出而哇 何勞
鼠雀訟煩興虞芮當年自質成亦是佛頭
澆却糝相看淋漓各沾巾 乞憐情面亦
何堪大奮秦推不少寬洒潤飛甘一時者
嘗來可似蔗漿寒

以潛岳解示余久之不得其解又有五言
古詩必數五字讀之始得其韻若稍失一
字卽須從頭讀起操園曰予讀子涼詩乃
捷於先生子涼詩凡七百五十字竟作七
百五十句讀之入手卽了矣大士大笑

趙管唱和

趙松雪欲置妾以小詞調管夫人曰我爲
學士你做夫人豈不聞陶學士有桃葉桃

根蘇學士有朝雲暮雲我便多娶幾個吳
姬越女何過了你年紀已過四旬只管占
住玉堂春管夫人答云你儂我儂忒煞情
多情多處熱如火把一塊泥捻一個你塑
一箇我將咱兩個一齊打破用水調和再
捏一個你再塑一箇我我泥中有你你泥
中有我與你生同一個衾死同一個槨詞後

一作趙子昂贈管夫人詞畧與見六集

生鐵椎熟銅鑊

玉堂閒話天成中盧文進鎮邵州因出城
賓從偕至舍人韋吉亦被召年老無力控
馭既醉馬逸東西馳桑林中橫枝昏掛巾
冠露禿而奔突僕夫執從則已墜矣舊患
肺風鼻上癰疹而黑臥於道旁幕客無不
笑者左司郎中李任祠部員外任瑤各占
一韻以賦之畧云當其廳子潛窺衙官共

看喧呼於麥隴之東偃仆於桑林之畔藍
挽鼻孔真同坐鐵之椎覩何骷髏宛是熟
銅之鑪聞者解順

方口尖口

善謔集唐進士有姓單者就試有司有司
悞書爲單單訴云雖則陋宗然姓氏不欲
爲人所轉易乞改正之有司曰方口尖口
亦何足辨單曰若不足辨則台州吳兒縣

改作呂州台見縣可乎主司無以應

餓夜叉

朝野僉載唐王熊爲澤州都督府法曹斷
略糧賊惟各決杖一百通判問熊曰總略
幾人熊曰略七人合決七百法曹曲斷府
司罪科時人哂之前都督尹正義公平後
熊來代百姓歌曰前得尹佛子後得王癩
頤判事驢咬爪喚人牛嚼鐵見錢滿面喜

無錫從頭唱常逢餓夜叉百姓不可活

政和景泰二榜

政和間狀元何臬榜眼潘良貴皆少年美
風姿探花郭孝友貌古怪時曰狀元真何
郎榜眼真潘郎探花真郭郎也

郭郎號○

景泰五年甲戌科狀元河南孫賢面黑榜
眼宜興徐溥面白探花武進徐鐸面黃時
謂鐵狀元銀榜眼金探花云

縣官生日

該聞錄開寶中神泉縣令張某外以廉潔
自矜內則貪黷自奉一日榜縣曰某月某
日是本縣生日示諭門外與給使諸色人
等不得輒有獻送一曹吏與衆議曰宰君
明言生辰意令我輩知言不獻送謙也衆
然之至日各持線獻之命曰續壽衣宰一
無所拒咸領之而已復諭之曰後月某日

是縣君生日更莫將來時王出以鷺鷥詩
諷之云飛來疑是崔下處欲尋魚

貧娼

吳生戀一娼其家甚貧友人李雲卿賦其
事曰可笑梨園地翻爲寂寞場當街爲客
座隔壁是厨房屋柱懸燈掛泥坯瓷火廟
殷殷三幅幔舊舊一張床草薦累堆厚棉
衾襪馘胖竹竿衣架短麻布手巾長雙陸

無全馬棋盤小二將恐惶之茂甚不可也
之當

打牛李杜

施半村有詩二卷皆打油體傳播人口其
重陽風雨云滿城風雨度重陽辜負南山
落帽狂打餅禿驢空買麪賣茶營狗枉燒
湯沈川村店抱膝長吁氣高瓊村妓垂頭
頰下牀更有清源蕭道士倚門隻眼淚

注眼一隻時人目爲打牛李杜云○昔有姓者打油爲業終日吟詩粗鄙可笑故嘲詩之淺薄者曰打油人誤以爲打牛云

此房實賣

筠廊偶筆載商丘安舜庭先生世鳳童子時向郡守求試郡守見路傍門上粘此房實賣字卽指爲題令作破安云曠安宅而弗居求善價而沽諸郡守首拔之

嘲錢

杜少陵云恰有三百青銅錢錢之貴青自古已然近來作偽者衆憲禁愈嚴而私鑄愈多以其賤也不脛而走四方貫以粗繩懸之市肆非不楚楚可觀及其零用則惡薄不堪交易頓使青錢之選目爲人所棄擲戲嘲之曰笑汝行藏亦可憐紙糊鵝眼古來傳操戈漫道金爲靠滿貫還須索

緣空有文名誇聖代毫無大體益人間
權使鬼何多事贏得人稱作孽錢小穿惡
薄實堪憐鉛錫成形損不傳不識一文真
可毀少陵三百漫無緣急當鼓鑄鼎爐內
莫使流行天地間空澀行囊儒者事何須
銅臭惡渣錢

蘇人謂私鑄者曰
薄小穿又曰惡渣

誇食品

吳中某富翁自誇食品之妙歷舉數物友

人卽以其言作詩嘲之曰秋白燒鰻世所
稀鰻魚哪哼剝栗瓜莖剝光黃蟹常吞蛋
渴極鰻魚時飲醢醋灌鴨腸卵如卵火蒸
鵝掌脆還肥久烹着甲能銷骨浸透銀魚
定山蛆蝦米數宵難剩肉海參七日不留
皮易牙自古稱知味不道兄翁味更奇蓋
言雉蟹剝去螯毛以甜酒調蛋灌之則蟹
黃滿腹凝結如膏置蟹魚於溫湯中渴極

伸頭則以葱椒酒娘飲之味尤奇美着
久煮脆骨如腐銀魚蝦米海參必以久浸
爲貴故詩言及之

嘲酸酒

醒睡編酸酒詩隔壁人家釀酒漿鑽人鼻
孔折人腸賓朋對坐攢眉飲妯娌相邀閉
眼嘗宜煮蝦魚宜拌肉好燒芋乃好藏薑
勸君收向厨中去莫把區區作醋缸

八婢榜

唐人有謂失婢榜詩云撫養在香閨嬌痴
教不依總然桃葉寵打得柳花飛曉露空
調粉春羅在賜衣內家方始殺好處任從
歸偷鎖出深閨風花何所依想應乘月
去難道綽天飛燭暗新垂淚香凝舊舞衣
恩情如不斷還向夢中歸揭榜諱因依
千聲叫不歸頭盤紅縷髻身著紫羅衣

帶無金玉窩藏有是非請君看賞格惻
信音稀白樂天云舊恩慚自薄前事悔難
追有忠厚之意劉賓客和云新知正相樂
從此脫青衣難乎其爲情矣

二詩見六集

一東韻秀才

康熙中蘇常道劉公觀風值宜興某春元
謁見欲聘閱文一士介人往見求其前拔
自誇是一東韻秀才予異而問之答曰弟

又窮又通者得前列此案一發人必稱公
予笑曰一東不足以盡兄要兼二冬問其
故予戲曰以兄之文必定高標而又囑托
亦覺忒凶阻來科必中尊翁指日受封故
曰一東而兼二冬也友人聞此語作詩戲
之曰膏腴二頃豈云窮握管操觚使號通
望火日遊多巧術居然名士儼諸公某士
聞之亦夫笑

手曰打米

袁叔明名尚統以丹青著名而書法詩句
不甚佳善滑稽嘗題壁云有錢但爲盡無
物必題詩又咏無錫人手曰云年來年舊
手白亦稱公略呼背上常駝板木鍾終日
街坊閒闖走片時主顧喚停春一天有雪
衣還脫四面無朋手自恭滿體塵槽難擺
去兩錢直向混堂中

姓名謔

郭忠恕嘲司業聶崇義云近貴全爲瞶聶
龍只是聶雖然三個耳其奈不成聰聶應
聲曰莫笑有三耳何如瞶二心

王廬

北齊徐之才善謔常嘲王昕姓云有言則
証近犬則狂加頸足以爲馬施角尾而成
羊嘲盧元明云卿姓在亡爲虐在丘爲虜

生男爲虜配馬成驢

湯余相戲

明余進士田與湯進十日新相善余戲曰
湯之盤銘曰苟者君乎湯卽復曰卿以下
必有圭者君也

遠阿叔

明陸楚生名遠係進士陸大成從堂叔遠
每對人呼大成舍姪人多厭之時王弇州

在座謔曰當不得他還一句遠阿叔也衆
爲捧腹

崔陳問答

冀州崔季珪琰九歲應秀才舉時陳元方
爲州刺史嫌其幼琰曰昔項素八歲爲孔
子師今自恨年已過之元方戲之曰卿宗
與崔杼近遠琰曰如明公之與陳恒

上達下達

明達毅王達同爲郎中一日竇公移王戲
曰每書銜名但以公上爲我之下毅應曰
君子上達小人下達

箕仙

有請箕仙者仙至自云何仙姑一頑童戲
之於掌心書一卯字問姑曰此何字箕遂
判云似卯原非卯如卯不是卯仙家無用
處轉贈與尊堂

負固不服

常熟魏仲雪院初督學廣東試士次題殺
三苗下三危一人問同坐曰三苗何爲而
殺之同坐者曰註是負固不服其人誤以
負固爲父故又問曰父故不戴孝何爲殺
之同坐者怪其不通紹之曰爺死不丁憂
是大不孝當問死罪其人信之竟坐黜

通文

崇禎戊辰北直陳保泰督學江南試某縣
題有友五人焉一士失記正文遂私問同
坐者曰五人性名敢望指教友曰下文是
樂正裘牧仲其人屈指急曰還有三人并
祈指點友徐誦曰其三人則予忘之矣其
人恚曰如此時節還有工夫通文

作要

一士試三年有成句私問同坐者下文云

何同坐者曰無矣又問上文對云苟有用
我者期月而已可也又問上文對日子曰
又問子曰上文同坐者以指作一圈示之
其人怒曰學生虛心請教却如此作耍

頭鳴取讖

崇禎壬申四川甘學濶按臨崑邑待士嚴
毅時有謠曰秀才街上踱撞着甘提學老
個告衣巾小個重上學有一點生入場時

置一蟬於儒巾內頃之蟬鳴同坐者聞其聲自儒巾中出無不大笑甘以犯規拿至究其笑之故皆云某號生員儒巾中有聲故笑甘呼黠生至欲責之黠生大聲疾呼曰今早生員入場被父親喚住將一物置於巾內爬跳難忍生員以父命不敢擲去甘怒問其置之之故黠生云取頭名之識甘亦不覺失笑

堯舜與人同耳

一士試堯舜與人同耳題以堯眉八彩舜
目重瞳作柱主中言眉目雖異而耳則同
也文宗亦爲之噴飯

宋宗室詩

哲宗朝有宗子好爲詩而鄙俚可笑常作
卽事詩云日暖看三織風高聞兩廂蛙翻
白出閭蚬死紫之長潑聽琵琶鳳餒拋接

建章歸來屋裏坐打殺又何妨人問其意
答曰始見三蜘蛛織網於簷前又見二雀
闢於兩廂廊有死蛙翻腹似出字死蚓如
之字方喫潑飯聞隣家作鳳棲梧食饅頭
未畢閤人報建章秀才上謁接意旣歸
見內門上畫鍾馗擊小鬼故云打殺又何
妨哲宗方欲灼艾有小內侍誦此詩大笑
遂罷炙

酒大使

宋宗室有酒大使者善作俳笑詩哲宗末
年多躁怒不怕左右無以娛悅嘗往來大
使家求詩一日雪作問有何句大使遂吟
云誰把鵝毛滿處燐玉皇大帝販私鹽歸
來緊把門兒閉一個開封拖麪煎色侍以
奏哲宗大笑

大葫蘆種

宋稗類鈔載相士黃生見黃山谷求數字
薦揚爲游謁之資山谷大書還之曰黃生
相余官爲兩制壽至八十是所謂大葫蘆
種也一笑黃生得之欣然往來士夫間衆
皆莫解因問山谷笑曰一時戲謔耳某頃
年見京師相國寺中有人懸一葫蘆甚大
實其種一粒數百錢人競買至暮種秋結
仍是瓠爾蓄譏黃生相術之難信也

反乞巧文

張山來反乞巧文云辛酉之秋七月之夕
星河正渡天巧羣乞心齋居士下土微臣
匍匐歛衽告我天孫自古以來誰不思巧
不如拙者優游終老狀杜林甫伏獵吳之
累累若若邵蕭文辭膏梁素封粟糴貫朽
問以十字不識八九戚施紈袴慣買名花
羊羔美酒彩鳳隨鴉憂是何形愁爲何物

一總不知謫多奇福微臣命薄憂愁作胎
雙眉常鎖無計能開臣亦愚人何敢言巧
多此知識便饒煩惱肅離苦海卽入愁城
擲喻有鬼慰排無人思患豫防綢繆未雨
身在康莊心羈囹圄氣感三歎腸輪九迴
淚從心滴怨向容堆我祝天孫賜我以拙
塞我靈明增其髑矣其臥徐徐其覺于于
醉生夢死蠢爾如愚罔測天高誰量地厚

無將無迎無譽無咎安此大拙終其天年
癡人癡福混沌神仙乞巧誠難乞拙甚易
再拜雙星願如我意

荒年謠

嘉靖乙巳天下十荒八九百物騰貴飲啖
頗艱杭人金玉泉珊除夕戲作詩曰年去
年來來去忙不飲千觴與百觴今年若還
要酒喫除却酒邊酉字傍言飲水也又年

去年來來去忙不殺鵝時也殺羊今年若要殺鵝喫除却鵝邊鳥字傍言殺我也

李廷彥

李廷彥獻百韻詩於上官中一聯云舍弟江南沒家兄塞北亡上官惻然曰君家凶禍一至於此廷彥曰實無此事圖對偶親切耳一客謔云何不言愛妾眠僧室嬌妻宿首房猶得保全兄弟